

इवनिंग डोगरी न्यूज़ बुलेटिन

समे .1815

<><><><><><>

Headlines

- 1- प्रधानमंत्री नरेन्द्र मोदी होंरें अपने मन की बात कार्यक्रम च आपरेशन सिंदूर दे दरान बन्ने पार आतंकवादी ठिकानें गी पूरी सटीकता कन्नै तबाह करने लेई भारती बलें आसेआ इस्तेमाल कीते गेदे स्वदेशी थेहारें ते तकनीकें दी सराहना कीती ऐ।
2. प्रधानमंत्री होंरें आखेआ जे आपरेशन सिंदूर नै दुनिया भरै च आतंकवाद खलाफ लड़ाई च इक नमां विश्वास ते जोश पैदा कीता ऐ।
3. प्रधानमंत्री होंरें मन की बात कार्यक्रम च ड्रोन दीदिएं दा जिक्र कीता ते आखेआ जे एह ड्रोन दीदियां राई-बाई दे खेतर च नमीं क्रांति आहन्ना करदिआं न। उ'नें स्कूलें च इस्तेमाल कीते जा'रदे शूगर बोर्ड, कागद सरबंधी कचरे गी परतियै इस्तेमाल-जोग बनाने ते मधुमक्खिएं दी हिफाजत लेई कीते जा'रदे जतनें दी बी सराहना कीती।
4. केन्द्री मंत्री डाक्टर जीतेन्द्र सिंह होंरें जम्मू दे गांधी नगर इलाके च सिविल समाज दे सदस्यें कन्नै इक बैठक लाई।
5. जम्मू-कश्मीर विधानसभा च विपक्ष दे नेता सुनील शर्मा होंरें एलजी मनोज सिन्हा हुंदे'नें मलाटी कीती।

<><><><><><>

प्रधानमंत्री नरेन्द्र मोदी होंरें अज्ज आखेआ ऐ जे आपरेशन सिंदूर नै दुनिया भरै च आतंकवाद खलाफ लड़ाई च इक नमां विश्वास ते जोश पैदा कीता ऐ। आकाशवाणी पर अपने माहवार रेडियो कार्यक्रम मन की बात राहें अज्ज देश-बदेश दे लोकें कन्नै बचार सांझे करदे होई श्री मोदी होंरें आपरेशन सिंदूर दे दरान भारत दे थेहारबंद बलें आसेआ दस्सी गेदी दलेरी दी सराहना कीती। उ'नें आखेआ जे भारती थेहारबंद बलें जिस सटीकता दे कन्नै बन्ने पार स्थित आतंकवादी ठिकानें गी

तबाह कीता ऐ ओह वाकई सराहना दे काबल ऐ। उ'नें आखेआ जे अज्ज पूरी दुनिया आतंकवाद दे खलाफ इक्कजुट ते एहदे खात्मे लेई वचनबद्ध ऐ।

प्रधानमंत्री होरें जोर देइयै आखेआ ऐ जे आपरेशन सिंदूर छड़ा इक फौजी मिशन गै नेई सगुआं देसै दे मजबूत धेइये ते दलेरी दा प्रतीक ऐ। उ'नें आखेआ जे इस अभियान नै पूरे देसै च देशभक्ति दी भावना गी होर बल दिता ऐ ते इन्नै पूरे देसै गी तिरंगे दे रंगै च रंगी बी दिता ऐ। श्री मोदी होरें आखेआ जे देसै दे केई शैहें, ग्राएं ते लौहके-लौहके कस्बें च तिरंगा जातराएं दा आयोजन कीता गेआ ऐ ते इ'दे राहें ज्हरां बद्धे लोक हत्थें च तिरंगा लेइयै देसै दे थेहारबंद बलें दे सम्मान च घरें शा बाहर निकले न। उ'नें आखेआ

प्रधानमंत्री होरें जोर देइयै आखेआ जे भारती जवानें आतंकवादी ठिकानें गी तबाह करने ते देशवासिएं दी राक्खी लेई जेहड़े थेहारें-उपकरणें ते तकनीकें दा इस्तेमाल कीता ऐ, उ'नेंगी भारत च बनाया गेदा ऐ ते ओह पूरी चाल्ली स्वदेशी न। उ'नें आखेआ जे इस गैह नै आत्मनिर्भर भारत दे धेइये गी मजबूती देने दा कम्म कीता ऐ। श्री मोदी होरें आखेआ

<><><><><><>

अज्जै दे अपने मन की बात कार्यक्रम च ड्रोन दीदिएं दे विशे पर बचार सांझे करदे होई प्रधानमंत्री होरें आखेआ जे तेलंगाना दे संगारेड्डी जिले दि'आं महिलां ड्रोन दी मदाद कन्नै 50 कमांह शा मते रकबे पर कीड़ेमार दोआइएं दा छिड़काऽ करै करदि'आं न। हून इ'नें महिलाएं गी छड़ा ड्रोन आपरेटर गै नेई सगुआं स्काई वारियर्स दे नांऽ कन्नै जानेआ जं'दा ऐ। प्रधानमंत्री होरें पेपर वेस्ट यानि कागद सरबंधी कचरे ते इसी परतियै इस्तेमाल-जोग बनाने दी प्रक्रिया बारै बी बचार सांझे कीते। उ'नें आखेआ जे मुखै दे कुल कचरे दा तकरीबन इक-चौथाई हिस्सा कागद सरबंधी कचरा ऐ। श्री मोदी होरें मुखै दे किश स्कूलें च इस्तेमाल च आहन्ने जा'रदे शूगर-बोर्ड बारै बी गल्ल कीती। उ'नें आखेआ जे सीबीएसई दी इस अनोखी पैहलकदमी दा मकसद बच्चें गी खंडु दी खपत बारै जानकार बनाना ऐ। श्री मोदी होरें इस अनोखे जतन दी सराहना करदे होई आखेआ

इस म्हीने दी 20 तरीक गी मनाए गेदे विश्व मधुमक्खी दिवस दे बारै च बचार सांझे करदे होई प्रधानमंत्री होरें आखेआ जे पिच्छले 11एं ब'रें दे दरान भारत च भौर-पालन दे खेतर च इक मिट्ठी क्रांति आई ऐ।

<><><><><><>

MM Lib. Cafeteria Launch

विरासती थाहरें गी सांभियै रखने आहली इक्क महत्वै आहली गेंs तैहत ऐतिहासिक मुबारक मंडी परिसर हुन विरासती लाइब्रेरी ते कैफेटेरिया दे उद्घाटन कन्नै लोकें दे सोआगत लेई पूरी चाल्ली तैयार ऐ। जम्मू पूर्व थमां विधायक युद्धवीर सेठी होरें एक्स पर इक सोशल मीडिया पोस्ट च इस बारे जानकारी सांझी कीती। श्री सेठी होरें इस गैह गी इलाके ताई मानै आहला पल दस्सेआ। इस पैहल दा मकसद मुबारकमंडी परिसर दी सांस्कृतिक विरासत गी सांभियै रखना ऐ। इत्थे नमियें स्हूलतें दे बढने करिये सैलसफे गी बढावा थहोने ते लोकें गी शैहरै दी सगगोसार ऐतिहासिक जड़ें कन्नै नमें सिरेआ जुड़ने दी मेद ऐ।

<><><><><><>

विज्ञान ते प्रौद्योगिकी दे केन्द्री राज्य मंत्री डॉ. जितेन्द्र सिंह होरें अज्ज गांधीनगर च सिविल सोसायटी कन्नै बैठक लाई। बैठक च चेंबर ऑफ कामर्स, वेयरहाउस फेडरेशन, रघुनाथ बाजार एसोसिएशन, बॉर एसोसिएशन सनें सिविल सोसायटी दे होर केई संगठनें हिस्सा लैता। बैठक दी शुरूआत च किट्टे होए दे सब्बै जनें आपरेशन सिंदूर दी कामयाबी आस्तै इक दुए गी मुबारकबाद दिती। एहदे बाद सब्बै जनें पहलगाम आतंकी हमले मगरा जम्मू च सैलसफा पर पेदे माड़े प्रभाह बारे चर्चा कीती। जेहदे कन्नै सैलसफा सरबंधी मकामी हितधारकें दी आंदन पर खासा असर पेआ ऐ। इस मौके पर बोलदे होई केन्द्रीय राज्यमंत्री डॉ. जितेन्द्र सिंह होरें आखेआ

LG-LOP

जम्मू कश्मीर विधानसभा च विपक्ष दे नेता सुनील शर्मा होरें अज्ज उपराज्यपाल मनोज सिन्हा हुंदे कन्नै मलाटी कीती ते पाकिस्तान आस्सेआ कीती गेदी गोलीबारी कन्नै प्रभावत परेआरें दी भलाई बेहतरी सरबंधत मसलें बारे चर्चा कीती। इस मौके पर सुनील शर्मा हुंदे कन्नै बीजेपी दे प्रदेश प्रधान सत शर्मा, रामगढ़ थमां विधायक डॉ. देविंदर कुमार मानेया लते आर.एस.पुरा जम्मू साउथ थमां विधायक डॉ. नरिन्दर सिंह रैणा बी मजूद हे।

<><><><><><>

Northern-Army CMDR

सेना दी उत्तरी कमान दे अध्यक्ष लेफ्टिनेंट जनरल प्रतीक शर्मा होरें कब्जा रेखा पर फायर एंड फ्यूरी कोर दे फौजी ठिकानें ते इकाइयें दा दौरा लाया। दौरे दौरान श्री शर्मा होरें अभियान सरबन्धी तैयारियें ते मौजूदा सुरक्षा स्थिति दी समीक्षा कीती। उनें फौजियें दी तनदेयी कन्नै कम्म करन आहली भावना ते नमियें तकनीकें दे असरदार इस्तेमाल लेई उंदी तरीफ कीती। कमांडर होरें जवानें गी आखेआ जे ओह कुशलता दे सब्बनें शा उच्चे मानकें गी बनाए रखदे होई कुसै बी चुनौती दा मकाबला करने लेई तैयार रौहन।

<><><><><><>

JMC-Commissioner-Visit

राष्ट्री सतह पर चलाए जा करदे साफ हवा आहले कार्जक्रम NCAP तैहत शैहरें गी हरा-भरा बनाने आस्तै इक्क बड्डी गैऽ दे तौरा पर जम्मू नगर निगम दे कमिशनर डॉ. देवांश यादव होरें निगम दे इलाकें दा व्यापक दौरा लाया। यादव होरें नरवाल, भठिंडी, सुजवां, ग्रेटर कैलाश, बखशी नगर, प्लौड़ा, बी.सी रोड ते सुपर स्पेशिलिटी अस्पताल दे आले-दोआले दे इलाकें दा दौरा लाया तां जे सैलतन आहले इलाके विकसित करने ताई थाहरें दी पंछान कीती जाई सकै। इस पहल दा मकसद शहरा दियें खाली थाहरें गी पर्यावरण दे मुआफिक इलाकें च तबदील करियें सार्वजनिक कल्याण गी बढ़ावा देना ऐ। इस गैह कन्नै जम्मू दे बसनीकें गी साफ-सुथरी हवा ते सेहतमंद जिंदगी लेई बेहतर वातावरण मिलने दी मेद ऐ।

<><><><><><>

Doda Internet Service

सरकारें डोडा जिले दे भद्रवाह दे किश हिस्सें च मोबाईल इंटरनेट सेवा गी 27 मई तोहड़ी आरजी तौर पर बंद करी दिता ऐ। एह फैसला राष्ट्र बरोधी तत्वे आसेआ सार्वजनिक बवस्था च बगाड़ पाने दे मकसद कन्नै मोबाईल इंटरनेट दे माड़े इस्तेमाल दी शेंका दे मद्देनजर लैता गेआ ऐ। आकाशवाणी दे जम्मू संवाददाता दी रिपोर्ट मूजब, गृह विभाग नै आखेआ ऐ जे जम्मू जोन दे आईजीपी भीम सेन टूटी हुंदे निर्देशों पर 37 मोबाईल टॉवरें पर मोबाईल इंटरनेट सेवा ते सार्वजनिक वाई-फाई सेवा गी मुअत्तल करी दिता गेआ ऐ। हुकमै मूजब, देसै दी संप्रभुता ते अखंडता, प्रदेश दी सुरक्षा ते सार्वजनिक बवस्था बनाई रक्खने दे मकसद कन्नै मोबाईल इंटरनेट सेवा गी आरजी तौर पर बंद करने दा एह फैसला लैता गेआ ऐ।

<><><><><><>